

№24/60 ოზურგეთის საოლქო-საარჩევნო კომისიაში, უმაჯამებელი ოქმის დამტკიცებას ხმაური მოჰყვა



ალიონი. 11 ნოემბერს, №24/60 ოზურგეთის საოლქო-საარჩევნო კომისიამ საპარლამენტო არჩევნების საბოლოო შედეგების შემავალი ოქმი დაამტკიცა. სხდომის დაწყებას მცირე ხმაური ახლდა. საოლქო კომისიის წევრებმა: საარჩევნო ბლოკის, „ერთიანი ნაციონალური მოძრაობა – გაერთიანებული ოპოზიცია“ „ძალა ერთობაშია“ წარმომადგენელმა მზია წერეთელმა და პარტია „ბაქრაძე, უგულავა, ბოკერია – ევროპული საქართველო – მოძრაობა თავისუფლებისთვის“ წარმომადგენელმა მზია წერეთელი და პარტია „დავით თარხან მოურავი-ირმა ინაშვილი, „საქართველოს პატრიოტთა ალიანსის“ წარმომადგენელმა თამარ შიოლაშვილმა ყოველგვარი ხმაურისა და განმარტების გარეშე დატოვა სხდომა.

მაღვენელმა ეკა სურგულაძემ დაუბრუნეს კომისიის წევრებს. მას შემდეგ, რაც წერეთელმა და სურგულაძემ დატოვეს სხდომა და მას შიოლაშვილი და სხდომაზე დამსწრე წარმომადგენელთაგან, კიდევ რამდენიმე პირი გაჰყვა. საოლქო-საარჩევნო კომისიის თავმჯდომარე ბერდია ცეცხლაძემ კომისიის წევრებს და დამსწრე საზოგადოებას გააცნო ოზურგეთის №24/60 საარჩევნო ოლქში (ოზურგეთი, ლანჩხუთი, ჩოხატაური) როგორც პროპორციული, ისე მაჟორიტარული არჩევნების შედეგები. შემავალი ოქმის დამტკიცება, სხდომაზე დარჩენილმა კომისიის 8 წევრმა ხელმოწერებით დადასტურა.

– როგორც გინდათ, ისე წერეთ ეს ოქმი. რომელ ამომრჩეველს ატყუებთ, საკუთარ მოსახლეობას, რომ ლეგიტიმურად ჩაატარეთ არჩევნები? თქვენ კანტორა გავთ და ამ არჩევნებს ვერ „გააპრავებთ“, თქვენ გააყალბეთ არჩევნები – მიმართავდა საოლქო-საარჩევნო კომისიას მზია წერეთელი.

– არჩევნები ტოტალურად თქვენ ხელისუფლებასში ყოფნის დროს ყალბდებოდა და არა დღეს – პასუხი

ალიონი

გამოიწერეთ

გაზეთი „ალიონი“

ხელმოწერა:

ერთი ფლიტ

– 30 ლარი

6 თვით

– 15 ლარი

საცალკო

ფასია

60 თეთრი

ალიონი

უძველესი გაზეთი უახლესი ინფორმაციებით!

საზოგადოებრივ-პოლიტიკური გაზეთი.

ყოველკვირეული გამოშვება. № 33 (10367) 16 ნოემბერი 2020 წ. ფასი 60 თეთრი.

გაზეთი გამოდის 1931 წლის 5 იანვრიდან

პაატა იმნაძე კოვიდინფიცირებულებისთვის განცხადებას ავრცელებს



კორონავირუსით ინფიცირებულ იმ ადამიანებს, რომლებიც სახლში მკურნალობენ, მუდმივი კავშირი უნდა ჰქონდეთ ოჯახის ექიმებთან, რადგან მათ ყველაზე კარგად იციან, რა რისკფაქტორები აქვთ ამ ადამიანებს და მათი ჯანმრთელობისთვის, რა შეიძლება იყოს პრობლემა, – ამის შესახებ დაავადებათა კონტროლის ეროვნული ცენტრის დირექტორის მოადგილემ, პაატა იმნაძემ „იმედის დილაში“ განაცხადა.

პაატა იმნაძე კორონავირუსით ინფიცირებულ იმ პირებს, რომლებიც მსუბუქი მიმდინარეობით სახლში მკურნალობენ, თრომბოციტების რისკის შესამცირებლად, ურჩევს დიდი რაოდენობით წყლის მიღებას, ფიზიკურ აქტივობას და ასევე, ლიმონის მიღებას.

„იმისთვის, რომ თრომბოციტების რისკი შევამციროთ, პირველ რიგში ეს არის ბევრი სითხის მიღება, წყლის მიღება ყველაზე კარგი. ასევე აუცილებელია მოძრაობა. მიუხედავად იმისა, რომ კორონავირუსს საშინელი სისუსტე ახასიათებს, თავს ძალა უნდა დაეკავებოთ და ბევრი ვიძოდროთ. სულ მცირე, უნდა ვიაროთ. არის გარკვეული ვარჯიშები, რომლებიც უნდა შევასრულოთ. ასევე გაციების დროს ლიმონიანი ჩაი რომ კარგია, ესეც ყველამ ვიცით. ასე რომ, ვინც სახლშია, მიიღოს ბევრი წყალი, იმოდროს და ასევე, მიიღოს ლიმონი, რომელსაც სისხლის გამათხელებელი შეიძლება ვუწოდოთ“, – განაცხადა პაატა იმნაძემ

სად ოზურგეთი და სად სამგორი?!

ანუ რატომ არ განიხილა №24/60 ოზურგეთის საოლქო-საარჩევნო კომისიამ „ერთიანი ნაციონალური“ მოქალაქის რამდენიმე საჩივარი

ალიონი. დავიწყობთ „ერთიანი ნაციონალური მოძრაობის“ წარმომადგენლის ნინო კილაძის საჩივრით (სარეგისტრაციო ნომერი 742/20-20), რომელშიც ქალბატონი ნინო აღნიშნავს, რომ „ოზურგეთის საუბნო საარჩევნო კომისიებმა, ხმის დათვის დროს, უკანონოდ გააბათილეს საარჩევნო ბიულეტენები, რომელზეც ამომრჩევლის ნება გამოხატული იყო. გაბათილებული ბიულეტენების უმრავლესობა იყო ოპოზიციისთვის მიცემული ხმები“. ამ საჩივრის საფუძველზე ითხოვს კენჭისყრის შედეგების ბათილად ცნობას არა №24/60 ოზურგეთის, არამედ სამგორის (!) საარჩევნო ოლქში შემავალ საარჩევნო უბნებში: „საჩივრის საფუძველზე, გთხოვთ, გადავალთ საარჩევნო უბნების ბათილი ბიულეტენები, სუბიექტებისთვის მიცემული ხმები და შემოწმების შედეგების შესაბამისად, შეცვალოთ კენჭისყრის შედეგების შემავალი ოქმის მონაცემები/ბათილად ცნოთ კენჭისყრის შედეგები სამგორის საარჩევნო ოლქში შემავალ საარჩევნო უბნებში“.

უკომენტაროდ.

მორიგ საჩივარში შემავალი ოქმის ბათილად ცნობის თაობაზე (სარეგისტრაციო ნომერი 781/2020) ქალბატონი ნინო წერს, რომ



„№24/60/36 უბნის შემავალი პროპორციული ოქმი არ არის დასაბუთებული და ის ბათილად უნდა იქნეს ცნობილი შემდეგ გარემოებათა გათვალისწინებით. შემავალი ოქმის შესაბამისად, არჩევნებში მონაწილე ამომრჩეველთა საერთო რაოდენობა შეადგენს 421-ს. ამასთან საარჩევნო სუბიექტების მიერ მიღებული ხმათა საერთო რაოდენობა და ბათილი ბიულეტენების ჯამი შეადგენს 422-ს“.

ავტორი მიიჩნევს, რომ საოლქო საარჩევნო კომისიის მიერ აღნიშნული შემავალი ოქმი და მის საფუძველზე დამდგარი შედეგები ბათილად

უნდა იქნეს ცნობილი, როგორც პირდაპირი შედეგი კანონსაწინააღმდეგო მანიპულაციებისა და არჩევნების შედეგების გაყალბებისა. ითხოვს, საარჩევნო კოდექსის 74-ე მუხლის მე-2 ნაწილისა და 77-ე მუხლის მე-2 ნაწილის შესაბამისად, განიხილოს საჩივარი და ბათილად ცნონ მშვიდობაურის №2460/55 საარჩევნო უბნის შემავალი პროპორციული ოქმი.

რა გამოდის – დარღვევა აღმოჩენილია №24.60.36 საარჩევნო უბანში (ნაღობლევში) და ვითხოვთ №24.60.55 საარჩევნო უბნის (მშვიდობაური) შემავალი პროპორ-

ციული ოქმის ბათილად ცნობას?! ქალბატონ ნინოს ანალოგიური დარღვევი აღმოუჩენია და ითხოვს ოზურგეთის №24.60.35, №24.60.11 (ორი საჩივარი), №24.60.21; №24.60.06 (საჩივრების სარეგისტრაციო ნომრები: 780/2020; 756/2020; 752/2020; 750/2020; 748/2020) საარჩევნო უბნების შემავალი პროპორციული ოქმების ბათილად ცნობას. ამჯერად საარჩევნო უბნის ნომრებს (24.60.35) სწორად იმეორებს, მაგრამ რა-

გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ.სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთურ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
- განხილვა, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;

საკალო ფასი: 60 თეთრი, ხელმოწერა: ერთი თვით - 2,40 ლარი, სამი თვით - 7,20 ლარი, 6 თვით -14,40 ლარი, ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიოჩანაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას.

გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

სარეკლამო კომპანია
რედაქტორი
ნუგზარ ასათიანი
nugzarasatiani@rambler.ru
558 499100
საინფორმაციო სამსახურის ხელმძღვანელი:
თემურ მარშანიშვილი
tem52@mail.ru
599 373515
კომპიუტერული უზრუნველყოფა
გიორგი გოგონლაძე
gia_77@mail.ru
551 576060
რედაქციის მისამართი: ქ. ოზურგეთი, გაბრიელ ებისკოპოსის ქ.№3
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311
გაზეთი იბეჭდება გამოცემლობა „მერიდიანში“
მის: თბილისი, ვ. ბაგრატიონის ქ. №77

დაინყეთ ყოველი ოჩხაბათი აციონზე
«ალიონი»

სად ოზურგეთი და სად სამგორი?!

ანუ რატომ არ განიხილა №24/60 ოზურგეთის საოლქო-საარჩევნო კომისიამ „პრეტიანი ნაციონალური“ მოძრაობის რამდენიმე საჩივარი

ტომლაც ყველგან მშვიდობა-ურის იმეორებს, მაშინ, როდესაც №24.60.35, №24.60.11, №24.-60.21; №24.60.06 უბნები მდებარეობს შესაბამისად სოფელ მერიაში, დაბა ლაითურში, ქვედა ბახვისა და ქალაქ ოზურგეთში (ცენტრის პირველი).

საოლქო საარჩევნო კომისიამ დააკმაყოფილა სამართლიანი არჩევნების და დემოკრატიული საერთაშორისო საზოგადოების წარმომადგენლის სათუნა მკურნალობის საჩივარი, რომელიც შეეხებოდა №24-60.52 მიმართის საარჩევნო უბანზე მომხდარ ფაქტს. საჩივრის არსი იმაში მდგომარეობდა, რომ, მოქალაქემ, რომელიც შეყვანილი იყო გადასატანი ყუთის სიაში, საარჩევნო უბანში მისცა ხმა, მიუხედავად იმისა, კედლის სიაშიც აღნიშნული იყო ფაქტობრივი მდგომარეობა, მაგრამ ფაქტობრივი მდგომარეობა არ იყო შეტანილი სამ-

აგილო სიაში.

საოლქო საარჩევნო კომისიამ განიხილა და დააკმაყოფილა საქართველოს ახალგაზრდა ორისტთა ასოციაციის კვალიფიციურად შედგენილი 8 საჩივარი (აქედან 6 დააფიქსირეს ოზურგეთის საარჩევნო უბნებში (№№23, 32, 34, 43, 22, 38) ხოლო 2 - ლანჩხუთის საარჩევნო უბნებში (№№ 10, 12).

რაც შეეხება საია-ს საჩივარს, მშვიდობაურის №22 საარჩევნო უბანში ხელახლა გადაეთვალათ ბათილად ცნობილი ბიულეტენები, კომისიამ დააკმაყოფილა, პაკეტის გახსნისას კომისიის მდივნის განმატება დადსტურდა. გაფრთხილება მიეცათ საუბნო საარჩევნო კომისიის თავმჯდომარესა და მდივანს, რაც იმას ნიშნავს, რომ ისინი ორი წლის განმავლობაში ვერ დაიკავებენ შესაბამის თანამდებობებს.

იქნებ აღვუდგინოთ გურიას „პრას“ ფებრობა



ევროპის რეგონთა ასამბლეა „AER“, „ერა“. ეს ორგანიზაცია ევროპის 600 მდე რეგონს აერთიანებს. კნუტ გერბერის კახა ტოტოჩავას და „შალომ კლუბის“ და „GTZ“-ის თანამშრომლობით გურია „ერა“-ს წევრი გახდა. მაშინ გურია ევროპამ დაინახა „ერა“-ფინეთის, ტამპერეს ასაბლევზე გურია, სადაც გურიის დელეგაცია ჩავიდა „ერა“-ს წევრი გახდა. მალე გურიაში „ერა“-წარმომადგენლები და გენერალური მფივანი კლაუს კლიპც ჩამოვიდა, ჩატარდა ასამბლეა. შემდეგ ჩვენ ყველამ დაგვივიწყა. მაშინდ-

ელმა გუბერნიამ არ გააგრძელა ერასთან ურთიერთობა რატომ, დღესაც არ ვიცით და დღეს გურიას შეწყვეტილი აქვს „ერა“-ს წევრობა. დაკარგეთ ტრიბუნა ევროპაში. გვინდა კვლავ აღდგეს გურიის სტატუსი „ერა“-ში. გურიის გუბერნატორის, დეპუტატის და ყველა დაინტერესებული ადამიანის ჩართულობით ვისაც სურვილი გაქვთ შემოგვეხიანეთ, შევქმნად საინიციატივო ჯგუფი ვიმუშაოთ ამ საკითხზე. ველით თქვენ გამოხმაურებას. -წერს ზურ ოსეფიაშვილი საკუთარ ფეისბუქგვერდზე.

სოფელ ზემო ნატანებს უწყვეტი წყალმომარაგება ექნება

გაერთიანებული წყალმომარაგების კომპანია რეგიონებში მოსახლეობის უწყვეტი წყალმომარაგებისთვის დაგეგმილი პროექტების განხორციელებას აქტიურად განაგრძობს.

ამჯერად, კომპანია ოზურგეთის მუნიციპალიტეტის სოფელ ზემო ნატანების სასმელი წყლის ცენტრალიზებული სისტემის მოწყობას გეგმავს.

სამუშაოებისთვის ტენდერი უკვე გამოცხადებულია. წინადადებების მიღება 17 ნოემბერს დასრულდება. პროექტისთვის ადგილობრივი

ბიუჯეტიდან 4 მილიონ ლარამდე თანხა გამოიყო.

სამუშაოების ფარგლებში, სასმელ-საყოფაცხოვრებო და სამეურნეო წყალმომარაგების მიზნით დაგეგმილია ჰაბურდების, რეზერვუარისა და საქლორატორის მოწყობა.

აქ პირველად მოეწყობა წყალმომარაგების ცენტრალიზებული ქსელი. სამუშაოების შედეგად ნატანების მოსახლეობა, ჯამში 2100 ადამიანი სტაბილური, ხარისხიანი წყალმომარაგებით იქნება უზრუნველყოფილი.

სასამართლო საარჩევნო ბლოკი-გაერთიანებული ოპოზიცია „ძალა ერთობაშია“ საჩივარი არ დააკმაყოფილა

8 ნოემბერს ჩარდა ოზურგეთის რაიონული სასამართლოს სასამართლო სხდომა, რომელზეც მოსარჩელე გახლდათ საარჩევნო ბლოკი „ერთიანი ნაციონალური მოძრაობა“ -გაერთიანებული ოპოზიცია „ძალა ერთობაშია“ (წარმომადგენელი დავით მჭავანაძე).

აღნიშნული სხდომის შედეგების შესახებ №24/60 ოზურგეთის საოლქო-საარჩევნო კომისიის თავმჯდომარე ბერდია ლომიძემ შემდეგი კომენტარი გააკეთა:

„სარჩელში მოთხოვნილი იყო საოლქო საარჩევნო კომისიის თავმჯდომარის მიერ გამოცემული განკარგულებების (რაოდენობაში სულ 18 განკარგულება) ბათილად ცნობა, რომელიც სასამართლომ არ

დააკმაყოფილა.

ავრთვე შემიძლია დავამატო ისიც, რომ აღნიშნულ უბნებთან დაკავშირებით საოლქო საარჩევნო კომისიისაში კანონის სრული დაცვით ჰქონდათ შემოტანილი ახალგაზრდა ორისტთა ასოციაციის, საჩივრები განხილულ იქნა საოლქო საარჩევნო კომისიის მიერ და მიღებული იქნა შესაბამისი გადაწყვეტილებები.

ავრთვე აღნიშნავ იმ ფაქტსაც, რომ მოხდა 24.60.22 უბნის ბათილი ბიულეტენების გადათვლა, ახალგაზრდა ორისტთა ასოციაციის საჩივრის საფუძველზე, რამაც გამოავლინა ახსნა-განმარტების სისწორე, რომელიც თან ერთვის 24.60.22 უბნის შემავჯამებელ ოქმს-განაცხად ბედია ლომიძემ.

სასამართლო „ლელოს“ საჩივარი არ დააკმაყოფილა

9 ნოემბერს გაიმართა ოზურგეთის რაიონული სასამართლოს სხდომა, რომელზეც მოსარჩელე გახლდათ პოლიტიკური გაერთიანება „ლელო საქართველოსთვის“ წარმომადგენელი გიორგი სიორიძე. დავის საგანს წარმოადგენდა 60 ოზურგეთის საოლქო საარჩევნო კომისიის თავმჯდომარის მიერ გამოცემული განკარგულებები საჩივრების განუხილველად დატოვების შესახებ (სულ 5 განკარგულება).

როგორც №24/60 ოზურგეთის საოლქო-საარჩევნო კომისიის თავმჯდომარე ბერდია ლომიძემ გვაცნობა, ოზურგეთის რაიონულმა სასამართლომ გაიზიარა საოლქო საარჩევნო კომისიის მიერ წარდგენილი არგუმენტები და არ დააკმაყოფილა „ლელო საქართველოსთვის“ სარჩ-



ელი. დავამატებ, რომ მსგავსი ტიპის საჩივრები კანონის სრული დაცვით შემოიტანა არასამთავრობო ორგანიზაციებმა, რომლებიც განიხილა საოლქო საარჩევნო კომისიამ სხდომაზე და მიიღო შესაბამისი გადაწყვეტილებები.

„NUF“ მაღალტექნოლოგიური, სასმელი წყლის გასაფილტრი დანადგარების მონტაჟი გურიის სკოლებში დაიწყო



მოუხედავად პანდემიისა, ისრაელის ელჩის საქართველოში ბატონი რან ვიდორის ძალისხმევით, ისრაელი და საქართველოს მთავრობის, ისრაელის და სლოვაკეთის საელჩოებისგურიის გუბერნატორის ბატონ ზურაბ ნასარაიასისრაელის საგარეო საქმეთა სამინისტროს საერთაშორისო თანამშრომლობის სააგენტო „MASHAV“-ის, სლოვაკეთის საერთაშორისო თანამშრომლობის სააგენტოს, „MASHAV GEORGIA“ და ა/ო „MASHAV SHALOM CLUB GURIA“-ს თანამშრომლობით გურიაში შემოტანილი იქნა ისრაელის ცნობილი კომპანია

„NUF“ მაღალტექნოლოგიური, სასმელი წყლის გასაფილტრი დანადგარები, რომლებიც გურიის (ოზურგეთი, ჩოხატაური, ლანჩხუთი) 8 სკოლაში დაიდგება.

ამ დღეებში „NUF“ 500 ჩოხატაურის მუნიციპალიტეტის სოფელ ზოტში დავამონტაჟეთ.

სოფელ ზოტ ის საჯარო სკოლის გარდა „NUF“ 500 ისრაელის მაღალტექნოლოგიური სასმელი წყლის გასაფილტრი დანადგარი ლანჩხუთის მუნიციპალიტეტის სოფელ შუხუთში და ჩოხატაურის მუნიციპალიტეტის გოგოლე-სუბნის საჯარო სკოლაში დავამონტაჟეთ.

„MASHAV-SHALOM CLUB GURIA“ მადლობას უხდის ყველას ვინც დახმარება გაგვიწია საბოლოო პროექტის განხორციელებაში. მადლობას ვუხდით ასევე კომპანია „NUF“-ს ხელმძღვანელობას, გადამწოდვე კომპანია, ქართველ და ებრაელ მუშავეებს, საქართველოს შემოსავლების სამსახურს. მადლობას ვუხდით ისრაელში მცხოვრებ ქართველ ებრაელებს, გულშემატკივრობისათვის. -განაცხადა გაზეთ „ალიონი“-ს „შალომ კლუბ გურია“-ს პრეზიდენტმა ზურ ოსეფიაშვილმა.

ლიტერატურული კურსი



საქართველოს მფარველთა შემოქმედებითი კავშირის გურიის ორგანიზაციის ბაზაში № 11, (14), ნოემბერი, 2020წ

მანია ჩხაიძე

მწითურია ჩემს სოფელში შემოდგომა,
მიწაც შეენის ნარინჯისფრად
დაჭორფლილი,
ნოემბერმა სევდისფერი შემომთოვა,
პორიზონტზე მთებიც მოსჩანს
დათოვლილი.
ძველებურად ვეგუებით ფოთოლთ
კვლამას,
შიშველ ხეებს ბინა უდევთ ნაყანეში,
გული ისევ აჰყვია კდებით
თრთოლვას,
კლდის ღარებში, ისევ მოდის წვიმა თქემით.
საკაპურთან, ლევა ღრულებს უწევთ დგომა,
გვაჯადოებს მთის ღაციცი ქარვისფერი,
მწითურია ჩემს სოფელში შემოდგომა,
ნოემბერმა შემომთოვა სევდის ფერი.



თითქოს გამებუტა მუზა,
ყოფით პრობლემებით დაღლილს,
გარეთ ქარიშხალი მუსრავს,
ფლორას, ძალისაგან დაცლილს.
კაცი მილასლასებს ქუჩად,
ქალიც მარტოსული დადის,
ღამე ხანგრძლივობით მტუქსავს,
ღღესაც, აქ გასვლია ყავლი.
ღრო კი, ისევ იწერს ქულას,
ხარობს, მდიდარია წამით,
ქალი, კვლავ მოუხმობს მუზას,
რიდით, მონატრებით, კრძალვით.

სიკვდილისათვის მზაობა მომასწრებინე, ღმერთო,
კვლავ სევდიანი გაცტეკერი ჩემს გასავლელ გზას-ბექობს,
ვერ მოვალწიე შენთან და კვლავაც შენდობას შეგთხოვ,
ამ წუთისოფლის ლაბირინთს ვერ დავალწიე თავი,
ცხოვრებამ ბევრი მარგუნა ბოროტიცა და ავიც,
თუმც მიუსაფრის სული მაქვს, მაინც ცისკრეთში გხედავ,
ამაოების მზირალი შენთან საუბარს ვებედავ.
ზღვის ტალღებით მშფოთვარე დავეძებ ნავთსაყუდელს,
თითქოს ჯებირი მომპარეს ცის სარკმელს მიმავლეს,
უსასობის განსაცდელს წყვიდადის ფსკერზე ვხედავ,
ღმერთო, გვაშორე ყოველგანს მსგავსი განცდების სევდა.
ტკივილმა შეკრა კამარა ჩემს გასავლელ გზას, ბექობს

მზისფრად დათრთვილილი მზერა
გუშინ, უსაშველოდ წვიმდა,
ღღეს, კი...უსაშველოდ ბარდნის,
ფიქრებს გავეკიდო მინდა,
მინდა შევჩერო წამიც.
რადგან მენატრება შენი,
მზისფრად დათრთვილილი მზერა,
რადგან გაიცვითა წლები,
მხოლოდ წარსულისა მჯერა.
ახლა მეფიქრება ასე,
მხოლოდ წარსულია მავსებს,
სულის ქარტეხილის მაცნე,
ტანჯვით გულის კედლებს
ანგრევს,
და მსურს გადმოსახლდე ისევ,
აქვე, ჩემს გვერდით და მალე,
თავი დააღწიო დიღვეს,
აწმყოც, რომ სიყვარულს ჰკავდეს.
ვერძნობ, რომ ჯანსაღ ფიქრის
ნაცვლად,
ფუჭი ოცნებები მტანჯავს,

თუმცა, ვინ დაუდებს საზღვარს,
გრძნობებს ხომ მსაჯული არ
ჰყავს!...
რადგან სურვილია ჩემი,
ფიქრებს ოცნებების სჯერა,
რადგან მენატრება შენი,
მზისფრად დათრთვილილი მზერა.

ხვალ შენთან კამარზე ვიქნები

ეს ჩემი სიყვარულის ველია,
სივრცეზე მიცოცავენ ფიქრები,
აღბათ, უსაშველოდ მელიან,
ხვალ, შენთან პაემანზე ვიქნები.
ღღე ჩემთვის სევდისფერია,
სულში ჩაკირულან ცრემლები,
ცრემლიც მონატრების ფერია,
შენთან უსათუოდ ვიქნები.
სამყარო ისევ მზისფერია,
ზღვაში ჩაძირულან სხივები,
გწერს შენი სიზმრის ფერია,
ხვალ, შენთან პაემანზე ვიქნები.

მწუხრის შავი


საქართველოს მწერალთა შემოქმედებითი
კავშირი და ამ კავშირის გურიის რეგიონ-
ული ორგანიზაცია იუწყება ქართული პოეზი-
ის დიდი ოჯახის ერთ-ერთი გამორჩეული
წარმომადგენლის, ვერლიბრის უბადლო
მთხზველის, ქალბატონი
მალვინა თოიძის
გარდაცვალებას.



სტუმარი

ლაშა ხომერიკი

თანამედროვე ტესტი ანუ „კაი ჭკუისაგან“



ჩემს წინ ტესტია, თუ სწორად
ვუპასუხებ, გავარკვევ, როგორი პი-
როვნება ვარ, წარმატება მელის თუ
წარუმატებლობა. მაშ, ასე, ვიწყებ
პასუხს: პირველი შეკითხვა მავალბს
გავარკვიო, როგორ ვეგუები გარემო
პირობებს, მაკმაყოფილებს თუ პირ-
იქით. არა, რა თქმა არ მაკმაყოფ-
ილებს, არ მომწონს. აბა, რაა მოსაწონი
ჩვენს ყოფაში? კარიერისტებისა და
ქვებუდანების საზოგადოებაში თავი
კარგად როგორ უნდა იგრძნო? ამ
განსაცდელის ფაშს ეს ჩივილი და
სიმწრის კივილი ხომ პროტესტის
გრძნობაა და არა უღონობის განცდა.
ვეწერ ამ სტრიქონებს და მიმანია, რომ
ტესტის მეორე შეკითხვას ვუპასუხე,
რომლითაც გარკვევას ითხოვდნენ--
რამდენად ლოგიკური ადამიანი ვარ.
გონიერი თუ ვარ? თუ ადამიანისათვის
ლოგიკური აზროვნებაა დამახასია-
თებელი, ნუთუ შეიძლება ის გონიერი
არ იყოს? როგორც ჩანს, ტესტის
ავტორებს ეს ეეჭვებათ. ნება მათია.
კარგი ბატონო, ახლა მორიგ
შეკითხვას ვუპასუხებ--არის თუ არა
ინტელექტუალური ძიებები ჩემი საყ-
ვარელი საქმიანობა. რომ არ იყოს,
მაშინ ხომ ტესტის ამოხსნასაც არ
დავიწყებდი. ჩემს მოსაზრებებს თუ
ვაფასებ? აბა, როგორ, როგორც ყველა
ჭეშმარიტ ქართველს, მეც მგონია, ჩემს
მოსაზრებებს წყალი არ გაუვა.
შეიძლება ერთ მშვენიერ დღეს ყვე-
ლაფერი ქალღმერთად გადავიტანო და
საზოგადოებასაც წარვუდგინო. კი
მაგრამ, რატომ ერთ დღეს, რა
განსაკუთრებულ შემთხვევას ვუცდი, ამ
აზრს ახლავე შეიძლება ხორცი
შევასხა, ფეისზე ხომ ამის
შესაძლებლობა მაქვს და შემიძლია
ვუპასუხო შეკითხვას--გადაწყვე-
ტილების მიღება სწრაფად შემიძლია
თუ არა? მაგალითად, რა უნდა
გააკეთოს ჯანმრთელობის უწყებებმა
საზოგადოების გამოჯანმრთელები-
ათვის. თუნდაც ასეთი საკითხი ავ-
ილოთ--როგორ ავიცილოთ საყოველ-
თაო ზომბირება, ფსიქოტრონული
იარაღის შემცველებად მოვლენილ
ტელევიზიებს რომ დაუმუშავებიათ და
მოხერხებულად იყენებენ თავიანთ
"პუბლიცისტურ" ტელეპოლიტიკურ
შოუებს მაყურებელთა გულის
ასაჩუყებლად. ვზივართ ტელევიზორის
წინ და გვიჩნდება შეგრძნება, რომ
თითქოს მითიურ პანდორას ყუთს
თავი ახადეს... მყოფნის აუ არა

მოთმინება? აბა, მოთმინება რომ არ
მყოფნიდეს, ტელევიზიების შოუების
შემდეგ ხომ ადგმფოთდებოდი? მაგრამ
არაფერიც, არხეინად ვარ, ის კი არა,
ინტერესით შევკურებ "ცისფერ
კერანს". უკვე აღარც მკვლევობები
მიკვირს, აღარც კატასტროფები, აღარც
გააკვებული ბუნება, აღარც "კორონა"...
საზოგადოებაში ყოფნა თუ მომწონს?
კი მაგრამ, როგორ საზოგადოებაში,
როგორ ვუპასუხო ამ შეკითხვას, ნუთუ
კარგი საზოგადოება ექმის ადამიანთა
გარკვეულ ე. წ. ელიტარულ წრეს,
რომელიც მხოლოდ პირადი განდიდ-
ებისა და გამოჩინების სურვილით ავსე-
ბულია და პროტესტის გრძნობასაც
იშვითად ავლენს? ეს ხომ დამინებუ-
ლი საზოგადოებაა, ინტელიგენტები
გამქრალან, რადგან ინტელიგენტი
უპირველესად სულით მდიდარი ადამი-
ანია, საზოგადოებრივი ინტერესებით
ორიენტირებული, კეთილი ცოდნით
აღნავი... ამჟამად გამოჩინებულ ჩვენს
საზოგადო მოღვაწეებს ჰგონიათ, რომ
მათი ვალია, ხელისუფალთა მიმართ
დითირამბების ავლენა, არადა, რო-
გორც გამოჩინილი მწერალი ბულატ
ოკუჯავა ამბობდა: „თანამშრომლობა
ხელისუფლებასთან — ესაა პატიოსნად
და ბევრითად შესრულება შენი პროფე-
სიული ვალისა საზოგადოების წინაშე
და არა დითირამბები ხელისუფლების
მიმართ... როგორც ხედავთ, ამ
შეკითხვასაც უარყოფითად ვუპასუხე.
კი მაგრამ, განა შეიძლება მომეწონოს
საზოგადოება, სადაც სამართლიანობა
ძნელად მკვიდრდება, უკარგისი
სოციალური გარემო, ფსიქოტრონული
სამშრომობა იგრძნობა და ლამის
ზომბებად გვაქციონ?! ტესტის პასუხე-
ბი შევამოწმე და მინამალური ქულა
დავაგროვე, თურმე ასეთი ცხოვრების
სტილით წარმატებას ვერასოდეს
მივალწევე, დინების საწინააღმდეგოდ
მივცურავ. ჩემს პოტენციალსაც უმიზე-
ზოდ ვხარჯავ, არც პრაგმატული
უნარით გამოვიჩინევი... ვითომ, ამის
გასაგებად ტესტია საჭირო? როგორც
იტყვიან, ვაი ჭკუისაგან,...

ოტია ტრაკაიკი

ზღვაო, ღრობით ნახვამდის

როცა შავი ზღვა ლივლივებს,
მგონია, მთების ტრამალი,
მის მკერდზე შუქის ბილიკებს
შლის მთვარე ამომავალი...


აქაც ჩამომგვა – სურებში
ზეირთის ხმაური გაბზული,
სადაც კი წავალ, ზღვის ღელვას
სულ ვისმენ სულგანაბული.

ტყეში ვიყავი გუმინწინ,
შევდექი გაოცებული,

მეგონა, თითქოს გულში მყავს
შავი ზღვა გამომწვევდელი.

მთაზე ავედი, ზემოდან
გამოჩნდა მთელი ქვეყანა,
ზღვა ბობოყვით დავტოვე,
სურებში შემომეყარა.

ვიღაც მეძახის შორიდან,
ჩანს ისე, როგორც ნახატი,
გავიგებ, უჭირს იქნება
– ზღვაო, ღრობით ნახვამდის.



ენბური

ენბური, ნაღვლიანი ხარ,
გაფიქრებს ხალხის წამება,
ძმთამკვლელ ომებს მოესწარ,
დაჭრილთა კენესა, ვაებას.


აფხაზია თუ ქართველი,
შენთვის ორივე ერთია...
უცხოვს ყაყაო ეგონა,
შენ იცი – სისხლის წვეთია.

შენს ირგვლივ მავთულხლართები,
ბეტონის მძიმე ხედა,
თავისუფალი სული გაქვს,
უნდა შეცვალო ბედა...

წალეკე მავთულხლართები,
ადიდი, როგორც გჩვევია,
ქვეყანას გაავებინე,
რომ აფხაზეთი ჩენია.

ჯემალ (დავით) დოგორჯბინიკი

ჩემი თოხისადმი



ჩემო საწერ-კალამო, –
მოპირულო თოხო,
ლექსით თავს ვერ დავიჩინე,
მიწა ოფლით ვპოხოთ!

თოხო, მარჩენალი ხარ,
ყანა უნდა ვთოხნოთ,
შეგინახო, ჯალაბო,
გაგახარო, ქოხო.

დავიღვეით შრომაში,
სხვა მუქთად ჭამს ოხრობს,
ყველა ოქროს მჯობი ხარ,
მოელვარო თოხო!

თოხო, მეგობარი ხარ,
თან რა მტკიცე – ხო, ხო!
ვეფერები მე შენს ტარს,
მკბენს ბუზი და კოლო.

ჩრდილში ჩამოვისვენოთ,
(ტალახში წვეს ყოყო),
ცოტა შენაც გაგრილდი
ვსკამ დუბელა – ნოყოს.

ხმელა მჭადი სადილად,
(მადლობა ღმერთს!)
ვლოღნოთ,
დარდ-საფიქრალს
გადავწვდეთ,
გული მოვიოხოთ!

აწკრილდი, ფოლადო,
მოპირულო თოხო,
სამუშაო ბევრი გვაქვს,
ვიმდეროთ და ვთოხნოთ.

ოცნების ცისფერი ხომალდი

სიზმარში ზღაპრულად ნაგებო,
მსურს ჩემი ბედი რომ მოგანდო,
მხოლოდ შენ მიშველო ეგების,
ოცნების ცისფერო ხომალდო,

სკნელში მყოფს მეძახის ზესკნელი,
ვიფრინოთ შორეულ ხომალდო,
იქ ვპოვოთ მქნელი და შემქნელი
მწველ მექმენ ცისფერი ხომალდო!

მოქიშპე-მოშურნემ დამდალა,
ცოდეგზე ცოდეგები ვამატე,

აქ ყოფნა არ მინდა, აღარა,
ხომალდო, წინსწრაფვით აღმანთე!

მშვიდობას ვუსურვებ ამ ვარდებს,
ამ მიწას, ამ მთებს და წყალ-ჭაღას,
მე შევუერთდები ლაყვარდებს,
აწ სხვებმა გათელინ გზა-შარა.

სიზმარში ზღაპრულად ნაგებო,
მსურს, ჩემი ბედი რომ მოგანდო,
მხოლოდ შენ მიშველო ეგების,
ოცნების ცისფერო ხომალდო!

გენრიეტა ქუთათელაძე ციკლიდან: რეკვიემი დეპნილთათვის

ისე
ვიქცევი, როგორც
ადამიანს შეპყდრის
და ამაში გასაკვირი
არაფერია;
თუმც მანც
უკვირთ:
რატომ ვარ
სეველიანი,
რატომ მისველებს
წამწამებს ცრემლი,
რატომ ვპატიობ
ცოდვილს,
რომელსაც ზურგი
აქციეს გარეშეებმა
და შინაურებმაც,
როგორ ვუძლებ
სასტიკ რეალობას
და ფარ-ხმალს არ
ვყრი,
რატომ ვუფრთხი
მეზობელ ქვეყანას,
მან შეიძლება
მთელი ცხოვრება
შეცვალოს, დაარღვიოს
საზღვრები და
თავისუფლება
მოგვანატროს/
რატომ არ მომწონს
აუტირებულ
ქალაქში ცხოვრება
ვაიმე, ეს ხომ
განტენბინების
ქალაქია,
სადაც
შენმატკბილებულან
სიძულვილი და
ზიზღი,
ბოროტება და
ვერაობა,
ლაღატი და
ფარისეულობა,



ანგარება და
მომხვეჭველობა...
მართლა აბსურდის
ბილიკზე
დავაბიჯებ,
უსვამ
საწამლავს, ჩვენში
წამალს რომ ეძახიან
და ყველაზე
მაღალ ფასში ყიდიან...
ვეძებ
სამართალს,
მაგრამ
ამოდ,
იდეალები
დამეფშენა თავზე
, ო, ეს ჩვენებური
დემოკრატიაც
კროსვორდებს
მთავაზობს...
მანც არ ვპოვებ,
ვლამობ
ამოხსნას, მაგრამ
ამოდ,
ვინ მაცლის...
ხშიანებს
ზუმერი: შეტყობინებები,
შეტყობინებები...

ო, ამ დაგროვების
ბარათებმა სული
შემიწუხა;
არა „არ ვიყიდი
არაფერს“,
არ მინდა არაფერი,
დამანებეთ თავი,
ნუ მიგზავნი
შეტყობინებებს,
მანც არ წავალ
ბანკში,
არ ავიღებ
კრედიტს,
არც პაუ ბარათს
გავაქტიურებ,
არც ბაზრობაზე
წავალ,
არა, დღეს არ
ვიყიდი არაფერს...
დღეს მე გელათს
ვეწვევი,
ჩემს საქართველოს
აღმოვჩინებ...
დიდს, დავითის
დროიდან მომზირალს...
მერე ისევ რეალობას
დავუბრუნდები,
ტაძრის შესასვლელთან
ხელგაწვდილი
მოხუცს
მივეანლები
და ჩემს დანაზოგს
ვეწვილადებ,
გავამხნეებ და
მადლობას ვეტყვი
გამლებსა თვის;
დიან, მივიქცევი
ისე, როგორც
ადამიანს შეპყდრის
და ამაში
განსაკუთრებული არაფერია.

რუსთაველის კებლი ისრაელში



მძიმე ებიდემიისა და ამ დაძაბულ ამდგრეულ პოლიტიკურ ფონზე საქართველოს რუსთაველის საზოგადოება ერთ სასიამოვნო სიახლეს გააგაცნობთ. ისრაელში, ქალაქ კირიათ ბიალიკში დაიდგა შოთა რუსთაველის ბიუსტი. როგორც კი სათანადო პირობები შეიქმნება, დაგეგმილია საზეიმოდ ამ ბიუსტის გახსნა. ამ დიდი საქმის რეალურად განხორციელებლები არიან: რუსთაველის საზოგადოების ქუთაისის ორგანიზაციის თავმჯდომარე, საზოგადო მოღვაწე, პოლიტიკოსი, ექიმი, შემოქმედი მერაბ კვიციანი და საქართველოს რუსთაველის საზოგადოების ქალაქ კირიათ ბიალიკის რუსთაველის საზოგადოების თავმჯდომარე, ისრაელში ქართული კულტურის პოპულარიზატორი, ისრაელში მოღვაწე ქართველ ხელოვანთა ასოციაციის „ნერვის“ პრეზიდენტი, ქორეოგრაფი შოთა წვენიაშვილი. ეს ერთი კიდევ დიდი ნაბიჯია ოცაქვს საუკუნოვანი ქართულ-ებრაული მეგობრობის განმტკიცების საქმეში.

დავით შამოქმედილი
სრულიად საქართველოს რუსთაველის
საზოგადოების პრეზიდენტი

ნინიკო მუვილოვა



თვალები ამომიქარგა დედაჩემმა და იძულებული ვარ დავინახო ვერ მოვიმიზეზებ სიბრძავეს, ამოქარგული, მკვეთრად ყავისფერი თვალები ბებიჩემის დრაფის პალტოს უზარმაზარ ღილებს მიმიგავს, როგორ დავხუჭო დავიმასხოვრებ ფოტოგრაფის ალღო და ხედავ თანდაყოლილად მაქვს და ამიტომ ვარჩევ კადრებს, ფერებს, სახეებს, ხეების ვარჯებს და ვარჯებში განლართულ მხესაც ვარჩევ სიუჟეტებს, ნატურმორტებს, პეიზაჟებს,

ბრმა თოჯინა

თუმცა ყველაზე საუკეთესო ჯერ არდამიმასხოვრებია. სულმგონია, რომ ჯერ კიდევ მელიოდება ის, განუძეოვრებელი წამი - ყველა წამთაგან განსაკუთრებული, რომელიც უნდა დავიმასხოვრო. მანამდე კი, უზარმაზარი ღილებით თვალებს ვაცეცებ და ყოველთვის მგონია, რომ თავიდან ვიბადები. დედაჩემმა კი, თვალები რომ ამომიქარგა, არც კი იცოდა ალბათ, მარადიულად მეოცნებე რომ ვიქნებოდი. ან ეგებ გრძნობდა დედური გუმანიტი და რომ ავერიდებინე მოსალოდნელ განსაცდელებს, მკვეთრად ყავისფერი, ანუ მიწისფერი ცა მიტომა ჩემი თვალები ასეა თუ ისე, სულ მგონია ძარღვებში მზემდის, ხოლო თვალებში ცა ჩამეღვარა ვოცნებობ ანუ ვივინებ ამბებს საკუთარი სულის გადასარჩენად და ასეთ დროს ღიმილი ყველაზე უებრო წამალია. რაც დრო გადის, ვხვდები, რომ სიჯიუტე ჩემში ევას მოდემის

უტყუარი ნიშანია. სიყვარულიც გამოვიგონე როცა ერთი გამოვიგლოვე, შევეცადე, რომ ახალი გამომეგონებინა სულაც არ ყოფილა ძნელი - ოლონდ სახალხოდ ვილაც ყოველთვის მზადაა გადამიაროს გადასარჩენად კი სიყვარულია საჭირო, თუნდაც გამოგონილი დედაჩემმა ამ დროს მუქი ყავისფერი თვალები ამომიქარგა და ახლა ვედ არ მოვიმიზეზებ, ვერ ვხედავ მეთქი. ბებიჩემის დრაფის პალტოს ვეება ღილებს მიმიგავს ეს ამოქარგული, მიწისფერი თვალები და ისე ვუყურებ ყველაფერს, თითქოს პირველად ვხედავდე ვუყურებ, რომ სამუდამოდ დავიმასხოვრო, როგორც იმქვეყნად წასაღები განსაკუთრებული მზიოვეი ოდესღაც ბრმა თოჯინა ვიყავი, ახლა კი დედამ მიწისფერი თვალები ამომიქარგა, რომელშიაც მუდამ მელვრება ზეცა

აკუნა ფირცხალაიშვილი

ლელო ბურთი - შუხუთი



ვიდრე სუფრის მესამედი ხასანბეგზე იმღერებდეს, ვიდრე იმნაიშვილებში განსხვავებულს დავისხამთ, მიდის გაწვევამოწვევა ამ ღელიდან - იმ ღელემდე, ხალხი წარსულს იხსენებს და ღელეც ვეება თავისას. ვეება ერთი დამეორე ქრება და ესარჩლება, ქვიდან ქვაზე ხავსს მიჰყვება, იპარება, გადადის წყალი ამ დღეს ეს სოფელი ისტორიის მესაჭევა, თავის ზნეჩვეულებით და თავის წესი-ადათით. ბრძოლაც იყო, ჟინიც იყო... დაბადებაც უნაიათ, დანებებაც უცდიათ და ომში გვყავდა ცოლი და ცოლისდაც და ამიტომაც გასაკვირი თუ რამეა, გაიკვირვე. ტრადიცია შუხუთფერდის მოგვყვება. თუგურაში მოხვედრილხარ, ამღერებ მტერს, აიშლები: ლომად, ვეფხვად, ხარად, ჯინვად, აფთარად. მიდის გაწვევამოწვევა იმ ღელიდან - ამ ღელემდე, და ოსმალთა უშნო მოდგმა კვლავ შეგებახის „აბდალაჰ“. კიდევ რაღაც მინდა აქვე განვმარტო და დავამატო, სოფლის ბოლოს ღელეების შეერთება - ჰობია, თუმცა შტერი ამბობს: „ბეკრი, არ


„უხდება დავა მათო“, მე კი - („ქვემო“ თუ მოიგებს), ვამბობ „ზემო“ ჯობია. მიზანია მასხოვრობა, რა ღილება, რა პატივი, ატირდება ქერივი დედა, რომ გაივოს წლები აქვს თუ როგორი გამოვლილი, ყაჩაღ კაკოს ნაბადივით ამ მიწას და გაუღენთილი მხოლოდ ჩვენი ძელებია სისხლით. სისხლი ბროწეულის, სისხლი ქრისტესისხლასი და სისხლი გადამისხით მაინც დასიცხული დაისის, რადგან მე ვარ იმ სოფლიდან, იმ ხალხიდან, იმ მასიდან, გიჟებს რომ ეძახიან და ვირმა აბა, რა იცის... ვიდრეს უფრის მესამედი კრიმანჭულსაც იმღერებდეს, მიდის გაწვევამოწვევა ამ ღელიდან - იმ ღელემდე.

რეზი ცინცაძე

58 !

მზე ისევ ისე ადგება კალოს, როგორც ხიფათი ძირძველ ბაბუასს, იქნებ ოდესმე შენ შემეყვარო, როგორც ბებიას უყვარს ბაბუა... მზე წამოწვევა აქვე თავლაზე, მას არ ჩვევია ჩრდილში მიფარვა, ჩუმად ბავშვობა ჩემში დავრახმე და სიმინდით, გრძნობებს ვიპარავ და ამტკვერდება მერე გზაშარა, მშრალი სულ მუდამ წვიმის ლოდინში, თუ კი ღრუბელმა ფრთები

გამალა, თუ მოიხადა წვიმამ ბოდინში, დაიბერება განცლით ზვინები, (მწვანე მინდვრების ყვითელი მკერდი) თქვე ცა ყვითი და უტყვი გინებით ცას მოამორებს ტყვიისფერ მერდინს. არ დასველდება წვიმით კვირტები, მიუხედავად ჩემს სულს გაუარს, ისეთ სიყვარულს ვერ დაგებრდები-როგორც ბებია უყვარს ბაბუას..



ასეთ დილას

თითქმის ყოველთვის ასეთ დილას, როცა დღე ღამის ლანდს გონით აქრობს, რა ვქნა ძვირფასო ასეთი ვარ, ოთახში დავდივარ-ვეფორიაქობ. წვიმა კი შავთეთრი გახეთია, (ხანდახან სამყარო ასეც ტირის) რა ვქნა ძვირფასო ასეთი ვარ, ძველი რითმებით ვაცევიდი. თითქმის ყოველთვის ასეთ დილას, როცა წვიმიითაა სავსე ტბები, რა ვქნა ძვირფასო ასეთი ვარ, ოთახში დავდივარ- მენატრები. ფოთლები ეყრება ასათიანს, ქუჩებმა სიგეჟე შემეფარდეს, რა ვქნა ძვირფასო ასეთი ვარ, იქნება თავიდან შეგიყვარდე. ირგვლივ სინათლის ხაზებია, ოთახი დავტოვე შენი ხათრით, რა ვქნა ძვირფასო ასეთი ვარ, ფანჯრიდან მიწამდე შემეყვარდი.

თემურ მარშანიშვილი

სიზმარი თოვლში



ცას გაეყვარა მთვარე, მიწას ესტუმრა თოვლი, სიზმართა ოკეანე ძილში აზვირთდა მგონი... ფსკერს მოქცეულა თითქოს „დიდი დათვი“ და „ხოლი“ ვითვლი: აქ, თოვლის ზემოთ რამდენი დარჩა კომლი. მივეყვები სანდო ბილიკებს, რას ვკარგავ არას მქონი?! ბარში სიმშუქნე ვაგროვე, მთაში დავყარე ქონი. — გამოლმით რა დავრჩენია?! მხოლოდ ვაღმა ფონი, — ჰგონია, ჭკუას მასწავლის, ჩერჩეტობს გრამაფონი. ვაჩუქებ, ვისაც უნდა, წავიდა ძველი დრონი, არა, მეტს აღარ დავქოქავ, არ მომწონს მაგის ტონი. მიმივა ძველი მუსიკა, ხრინწიანი და მჭოლი, გავატან, რომ ჩამოვივლის მთიდან მშვიდი ქორი. უეცრად ისე იჭვექა, ღამის დავკარგე გონი, რა ჰანგი, რის მუსიკა? ზეცა გაიხსნა მგონი: მოდის თოვლივით ქალი, თოლს გამისწორა თოლი, ვაი, ამას რომ ხედავდეს, რა დღეს დამაყრის ცოლი! შევეხე, თვითონც შემეხო, თოვლში დავგვინდა ბოლი, ამდენ ხვევნა და ამბორში ქე გავიტანეთ ვოლი... თვალს ვახეღ, იზმორება რაფაზე სიზმრის ზოლი, რა კარგია, რომ არ ღვიძავს, ძილისგულა მყავს ცოლი...

მთვარე მახარბებს ტუჩებს...

ყინვა სარკეს ფენს ქუჩებს, ქარაშოტად ქრის გონი, მთვარე მახარბებს ტუჩებს, ჭკუიდან შემშლის მგონი. პირმშენიერობს მავრი — ღამე მიჯნურთა ფსონი, მარტობით წუხს მამრი, მღვდრის დარდს რას აწვონი. ბედმა დამადო მსჯავრი, გამხადა არას მქონი, შემჭამს ამ ფსონთა ჯავრი, მჭლე ვიქნები თუ ქონი. თაბახს ამოვდე თარგი, გაავალე ლექსის ზოლი, ცეცხლმა დავიწვა მაგი! — ქოქოლას მავრის ცოლი. გახვეული სხვის ხალათში, ხან მძინარე, ხან მძრწოლი, გამომიჭირა ღალატში, პოეტი ლექსთან მწოლი... ყინვა სარკეს ფენს ქუჩებს, ქარაშოტად ქრის გონი, მთვარე მახარბებს ტუჩებს, დღლამდე შემშლის მგონი...



ნანატის ავტორი: დიანა თევზაძე

ოთარ გობრონიძე

მამის მხრიდან წარმოშობით ოზურგეთელი (სოფ. ლიხაური), დედით კი აკაკის გამზრდილი სალუნიშვილების შთამომავალი იყო. პროფესიით გეოლოგი მუშაობდა ერავსა და სირიაში. იყო მწერალთა კავშირის წევრი. მისი მოთხრობების პირველი და ერთადერთი კრებული „თეა“ 1963 წელს 10 000 ტირაჟით გამოიცა ვახტანგ ჯავახიძის რედაქტორობით.

ოთარ გობრონიძის ნოველების მიხედვით მარჯანიშვილის თეატრში დადგმა განახორციელა რეჟისორმა არჩილ ჩხარტიშვილმა.

ოთარ გობრონიძე 1977 წელს, 46 წლის ასაკში ავტოკატასტროფაში დაიღუპა.

—ჟან, ვინაა ეს?
 —პო, მძინავს.
 —არც მე მძინავს. იცი რაზე ვფიქრობ, ჟან?
 —არ ვიცი.
 —ხვალინდელ დღეზე, მწვერვალი უკარება ჩანს.
 —დაიძინე და ყველაფერი კარგად იქნება...
 ჟანი საძილე ტომარაში შეინძრა, ეტყობა მეორე მხარეს გადატრიალდა.
 —ჟან!
 —რა?
 —სულ აღარ გიყვარვარ, ჟან?
 —მიყვარხარ, მარი. შენ ხომ ლიზის და ხარ, მე შენი სიძე. როგორ არ მიყვარხარ. იცი, მარი, ლიზიმ ყელსახვევი გამომატანა, მწვერვალზე უნდა დაეტოვო.
 —ო...—კენისის მარი, —გახსოვს, ჟან, ელვებისებრი? მაშინ არ იცოდა ვინ იყო ლიზი. ასე ვიწვევით კარავში მაშინაც, ეს იყო ალბებში, მონტეროზას მისადგომებთან. მე შეძინებოდა. შენ არ მაძინებდი და მელაპარაკებოდი. მე ყურს გივადებდი, ამიტომ რომ ძალიან მიყვარდი. შენ მითხარი:
 —იცი, მარი, აქ უკვე იქნება ელვებისებრი, გინდა მოგიტან პატარა თაიგულს?...
 მე საძილე ტომრიდან ხელი



ამოვადებინე, თმა მოგქაჩე და გითხარი:

—სულელი ბიჭო, დაიძინე...
 შენ არაფერი გითქვამს. მე მძინავს. სიზმარში შენ გხედავდი...დილით, როდესაც ბანაკი აიშალა და ჩვენც ავდექით, თავთან ელვებისებრი პატარა თაიგული მქონდა. შენ კი ხელები გქონდა გაკაწრული, ფრჩხილებზე სისხლი შეგ ხმობოდა.

ძალიან გიყვარდი, ჟან...
 ცრემლები გადმოცვივდა დიდი სიხარულით, ვტიროდი, ბედნიერებამ რომ იციან ხოლმე —ისე. ეპ.ეს იყო არც თუ ისე დიდი ხნის წინათ, ალბებში, მონტეროზას მისადგომებთან. არა, ჟან? ვინაა ეს?
 —არა, მარი...

—გახსოვს პტი-დრიუ, ჟან? ტრავერსის წინ მე ფეხი ვიტყინე. შენ არ გინდოდა ჩემი დატოვება. მე არ ვქეჩი.წასვლის წინ ყელსახვევი გამოგართვი და კისერზე გაიკეთე. ძნელი იყო ტრავერსი. მაშინ დაიღუპა რობერტი, ჩვენი „მთის ლომი“, ფილიპი მძიმედ დაშავდა. დაბრუნებულმა მითხარი:

—შენს ყელსახვევს მიყვავდი ზევით. შენმა ყელსახვევმა გამომიყვანა უკნებელი.
 გახსოვს? შენ არაფერი არ გახსოვს ჟან, მე კი ისიც მახსოვს,

საბედისწერო საღამო...
 „ალბა“ ექსპედიციის დამთავრებასთან დაკავშირებით დარბაზობას გვიმართავდა. მე ჩემს სარკის წინ ვტირალედი და ვერ გადამწყვიტა, რომელი კაბა ჩამეცვა.

ბუღარში ლიზი შემოვიდა. ლიზიმ მირჩია ჩამეცვა შინდისფერი კაბა თეთრი წინწკლებით, შენს სიდამწვერეს მოუხდებო, —მითხრა. კაბა მართლა ძალიან მომიხდა. მადლობის გრძობით შევხედე ლიზის ლიზი ადგა თვალთვარსწინებულად და იყო ძალიან ლამაზი. ვუყურებდი და თვალს არ ვუჯერებდი, დაქალბულიყო ჩემი პატარა დაიყო, ტანი აყვარა, მკერდი შევსებოდა. ძალიან მომიხდა ჩემთან ერთად ყოფილიყო ლიზი საღამოზე. ალბათ ამიტომ, რომ ლიზი იყო ძალიან ლამაზი და მე შენი ძველი ვიყავი.

„ალბას“ წინ მანქანები ირეოდა. უკვე მოსულიყვნენ მეცენატები, კლუბის მმართველობა და წევრები. კარებთან შენ დავჯექი. შავი კოსტიუმი გეცვა, ის ჰალსტუხი გაგეკეთებინა, მე რომ გიყიდე დაბადების დღეს. მე გაგაცანი ლიზი. ლიზი გაწითლდა. მე შენ შემოვხედე. გულში ტკივილი ვიგრძენი, ვინანე, არ უნდა წამომეყვანა ლიზი...

—გვეოფა მარი, რა საჭიროა ძველის გახსენება...

—საჭიროა, ჟან, ამიტომ, რომ შენ არაფერი დამეწყვიტა, უმნიშვნელო წვრილმანი კი...

იმ საღამოს ლიზის არ მოშორებხარ. იმასთან ცეკვავდი. ჩემი არსებობა ორივეს დაგავიწყდათ. მე ფიქრის ნებას არ ვაძლევდი თავს. ვიცინოდი, ვსვამდი ბორდოს და შამპანურს, ღიმილით ვღებულობდი დიდმუცლიანი მეცენატების ქათინაურებს. თქვენ კი ცეკვავდით. ერთმანეთის მუტი არავინ გახსოვდათ და ვერავინ ამჩნევდით. მერე დარბაზიდან გაუჩინარდით...

კლუბიდან წამოვედი მარტო. იყო ღამე, ცაზე უზარმაზარი მთვარე მიტურავდა, ძალიან ყვითელი და ძალიან სუფიანი. ჩემი სულივით დაცარიელებულიყო მონ-მარტრი, იგი უზარმაზარ სასაფლაოს ჰგავდა, მე —ჭირისუფალს, რომელმაც ახლა მია-

ელვებისებრი

ტოვა ძვირფასი ადამიანის საფლავი, ვვავდი ადამიანს, რომელმაც ყველაფერი დაკარგა. რა გავაკეთო? სად წავიდე? ვფიქრობდი და წინ ვერაფერს ვხედავდი, თითქოს ყველა გზა გადაეკეტათ ჩემთვის. არ მახსოვს, როგორ მივედი სახლში. მახსოვს, იყო გვიანი და არ იყო სახლში ლიზი. დავწვი და ცრემლებს თავისუფლებს მივეცი...

ლიზი მოვიდა გათენებისას...

დაიწყო საშინელი დღეები. არ მეგონა, თუ არსებობდა ისეთი ძალა, რომელიც იმედის ნაპერწკალს შეიტანდა ჩემს ცხოვრებაში, ყველაფერს თვალს ვხედავდი, შენი თმის სურნელს ვგრძობდი, ყურში კი შენი ჩურჩული მესმოდა:

—იცი, მარი, აქ უკვე იქნება ელვებისებრი, გინდა, მოგიტან პატარა თაიგულს?

მერე დაკაწრული ხელები, ფრჩხილებზე შემხმარი სისხლი და მწარე შეგრძნება, რომ ისინი მე აღარ მეკუთვნოდა.

მეც ვხედავდი ყოველდღე კაბარებში, მაგრამ არ ვიცი —ვის, რადგან ყოველდღე სხვადასხვანი იყვნენ; ღვინითა და კონიაკით გაბრუნებული მივჩურჩობდი ჩემს ღამის მეგობრებს და შენ ვხედავდი...

ჩემს ამბავს ერთი ადამიანი განიცდიდა მხოლოდ, ეს იყო კეთილი ფილიპი. იცოდა მიზეზი და მამშვილებდა:

—ყველაფრის წამალი დროა, მარი, დრო გავკურნავს, სხვა მკურნალი ამჟამად უძლეურია შენთან. ცხვრება თავისას მოითხოვს. ერთი თვის შემდეგ რომ გავახსენებ, ცრემლს დაღვრი, გული დაგწყდება და მწარედ ამოიხრებ, ათი წლის შემდეგ კი ყველაფერი სიზმრით გაგახსენდება. დამოჯერე მარი, ადამიანი ასე ყოფილა გაჩენილი. ბუნება თავისას მოითხოვს და შენც უნდა დამორჩილდე, რადგან უკან მოსახედავად დრო არ გვრჩება. ყველაფერი ისე რომ იყოს ქვეყანაზე, სენტიმენტალურ რომანებში რომ სწერია, საცოდავი იქნებოდა ცხოვრება...

შენ და ლიზიმ ჯვარი დაიწერეთ...

—მარი!
 —არა, ჟან, მეტს არაფერს

გავახსენებ. შენ მართალი ხარ, რა საჭიროა ძველის გახსენება, რად ღირს ამბავი, რომელიც დრომ გაცვითა. არაფრად. გამაღობთ, ჟან, ყურს რომ მივადებდი, მე არ მეძინება და ლაპარაკი მინდა.

—ხვალ ვაგიჭირებ, მარი.

— არ ვამიჭირებ, მე ახლა ისეთ ძალას ვგრძობ, როგორც არასდროს...—ისინი ლაპარაკობდნენ ჩუმად, რადგან კარავში სხვებსაც ეძინათ. მარის ლაპარაკი უნდოდა, ამიტომ არ ასვენებდა ჟანს.

—ჟან!
 —რა გინდა, მარი?

—ნუ დაიძინებ რა! იცი, მე ძალიან მომწონს ჩვენი სტუმრები. ჩვენს მთიელი ყოფილა. ამიტომ არის მთასავით მაღალი. თებური თბილისელია. იცი, ჟან, ჩვენ ძალიან დავმეგობრდით. თებურმა შესანიშნავად იცის ფრანგული და მოსწონს ჩვენი ქვეყანა, მაგრამ არ მოსწონს იმპერსიონისტები, გუშინ მთელი დღე ვიკამათეთ...

—კარგები არიან! —გამოცოცხლდა ჟანი, საუბრის თემა რომ შეიცვალა— იცი, რა, მომავალ წელს საქართველოში მიგვიწვიებს უშაზე...

—გაისად?

—პო, გაისად.

—უშა და ჩვენს ალბათ ერთმანეთს ჰგვანან...

—ჩვენს უშის ძირში ცხოვრობს თურმე.

—ჟან, როგორ ფიქრობ, ავალთ? ათასობისმეტრის კედელი არსად შეგვხვდებოდა.

—ავალთ, თუ ამინდი იქნება. ფილიპი ორჯერ არის ნამყოფი მწვერვალზე. ეს ქართველებიც მარჯვე ბიჭები ჩანან.

—არ გეშინია, ჟან?
 —დაიძინე, მარი, საცაა გათენდება.

—კარგი, ჟან...
 ჟანი ისევე გადატრიალდა. მარი შესტყუროდა კარვის ჭერს. ჟანს უკვე ეძინა. მარი ფიქრობდა. ვარეთ, თითქოს ცას სწვდებოდა გრანდ-ჟორასის ათასობისმეტრის კედელი.

(გაზრდილობა იქნება)

საბავშვო ლექსები

ნოდარ დონაძე

ხანდახან

ზოგჯერ ვნატრობ, ვიყო მარტო, რომ გავშორდე ქვეყნად ყველას, ვიყო ჩემთვის, საღაღაც ქოხში თუ ვინდ მთაში, თუ ვინდ ველად.

ხან დავეძებ სასურველ კაცს, კეთილშობილს, მოყვასს, სანდოს, მას გავუძებ გულის ტკივილს, რას ვფიქრობ და რაზე ვდარდობ.

ხან ვინატრებ, რომ შემეძლოს ავიქროლო ცაში, მაღლა, ენერგიით ვიყო სავსე, არ ვიცოდე, რაა დაღლა.

ხანაც მეტად ანთებული სიხარულით მიტვრის გული, ხან ვსულდგმულობ სულ სხვა განცდით, ცხოვრებისგან დაღდასმული.

ყმაწვილობის ბილიკებზე ფიქრებში კვლავ ვიარები,



ხანაც მინდა დავივიწყო ტკივილი და იარები.

ხშირად ძაღობს პოეზია, სული ეტრფის გულწრფელ ლექსებს, მაშინ ვეძებ სიტყვებს მზიანს, სიტყვებს გულზე რომ აკვესებს.

ხანმოკლეა ჩვენი ყოფა,

წუთიერი ვალებება, ჩვენ კი გვინდა ქვეყნად ყოფნა, მაგრამ გული იფერფლება.

საქართველოა ჩემი პარტია

პოლიტიკური ჯგუფი, ფრაქცია საქართველოში მომრავლდა ბევრი, მე არ ვეკუთვნი არც ერთ პარტიას, არ ვარ არც ერთი პარტიის წევრი.

რითაც ვსულდგმულობ, რაც მინატრია, ჩემს იმედად და რწმუნად ანთია, გულის ფიცარზე ის მახატია და იგი ჩემთვის მართლაც ხატია.

კვლავ ვემსახურო, გულით მწაღია, ჩვენს სასიკეთოდ ზრუნავს, ცხადია, მისთვის არასდროს მილაღატია, საქართველოა ჩემი პარტია!

გამოიწვიეთ, შვიკინეთ, იკითხეთ „ლიტერატურული გურია“

ხელმოწერის ფასი
წლიურად – 6 ლარი,
საცალო ფასი – 50 თეთრი.

„ლიტერატურული გურია“ – გურიაში მცხოვრებ ლიტერატორთა და ქართული ლიტერატურის მოყვარულთა გაზეთი!

რედაქტორი: თემურ მარჯანიშვილი
tem52@mail.ru ტელ: 599 373515

ვულოცავთ!

ლეო ანთაძე 88 წლისაა

12 ნოემბერს, ცნობილ ქართველ მსახიობს, საქართველოს სახალხო არტისტს, ბატონ



ლეო ანთაძეს 88 წელი შეუსრულდა!
ბატონი ლეო გვასსოვს ფილმებში:
„ყვავილი თოვლზე“; „გლადიატორი“; „წიპურტები“; „ერთი ნახვით შეყვარება“; „გაქცევა გათენებისას“; „დათა თუთაშნია“; „თბილისი პარიზი თბილისი“; „მშობლიური ჩემო მიწავ“; „მონანიება“; „სკაპენის ოინები“; „თეთრი ბაირაღები“; „წარსულის აჩრდი-ლები“; „ქუჩის დღეები“; „ლომა“; „საფეხური“; „უკვდავების თეთრი ვარდი“ და სხვა!

მისი ბენეფისი ოზურგეთის თეატრის სცენაზე გაიმართა.

ვულოცავთ მსტოვან ხელოვანს ამ დღეს და ვუსურვებ მხნეობას, ჯანმრთელობას და დიდხანს სიცოცხლეს!

ოზურგეთის სახელმწიფო თეატრი

10 ახალშობილი ერთი დღე-ღამეში



„მძიმე სამუშაო დღის სასიამოვნო დასასრული, 11 დან 12 ნოემბრამდე 10 ახალშობილი მოეველინა საქართველოს და ოზურგეთის კლინიკა „მედალფასი“, 7 ვაჟკაცი და 3 ქალიშვილი. ჩვენ ვერავინ მოგვერევა, ყველას და ყველაფერს დავამარცხებთ. ყველაფერი კარგად იქნება.“ წერს ოზურგეთის „მედალფასი“ კლინიკის დირექტორი დავით მდინარაძე საკუთარ ფეისბუქგვერდზე.

ბოდიში ყველას, ჩემი დროს ამოიწურა - პაისი საქართველოს ნაკრებიდან მიდის

საქართველო 0:1 ჩრდ. მაკედონია | გოლი: 0:1 პანდევ (56)

„თამაშზე და პასუხისმგებლობაზე“

„ბოდიში დღევანდელი დღისთვის... პასუხისმგებლობა მე მეკისრება. ეს არის ფეხბურთი, ბოდიშს ვუხდი ფეხბურთელებს, ფედერაციას, გულშემატკივრებს. ჩრდილოეთ მაკედონიამ ერთი გოლი გაიტანა და გაიმარჯვა, ვულოცავ მათ. ისინი უკეთესები იყვნენ. ძალიან სამწუხარო დღეა ჩემთვის, გუნდისთვის, ყველასთვის.“



ბოდიშს ვიხდით.“

„დაგვიანებულ ცვლილებებზე“
„აქვით დაგვიანებული იყო ცვლილება, მაგრამ სათადარიგო ფეხბურთელთა შორის უფრო მაღალი ხარისხი არ იყო.“

„ბოლო თამაშებზე“
„ჩემი სამუშაო აქ სრულდება, ორი თამაშის შემდეგ შევიძლიათ დაელოდოთ ახალ მთავარ მწვრთნელს. მე ვასრულებ ხუთწლიან საქმიანობას საქართველოში. მაღლობა ყველას, ფეხბურთელებს, ფედერაციას, გულშემატკივრებს, ჟურნალისტებს და“

„ვაშვებულ გოლზე“
„დღევანდელი გოლი კონკრეტული ფეხბურთელების მაღალმა ხარისხმა განაპირობა და ჩვენ სწორედ ეს ხარისხი დავაკლდა. ამ დროს მნიშვნელოვანია მენტალიტეტი და ფსიქოლოგიური მდგომარეობა.“

„დაბოლოს“
„შემიძლია ვთქვა, რომ გოლი დავაკლდა ევროპის ჩემპიონატზე სათამაშოდ და ერთი პოზიციური შეცვლა გამოდგა გადაწყვეტილ.“

ხუროშვილმა „არწივებს“ 26 ქულა უმსძინა



რგობში საქართველოს ეროვნული ჩემპიონატის (პირველი ლევა) მე-4 ტურში ოზურგეთის „არწივებს“ წყალტუბოს „დინოზავრებს“ უმასპინძლეს.

ძალიან საინტერესო და დამბულ ბრძოლაში „არწივებს“ 36:17 დამარცხეს მეტოქე. როგორც გუნდის №15-მა ლევან ხუროშვილმა გვიჩვენა, ბიჭებს თამაში კარგად წაუვიდათ და ოზურგეთელებმა სამი ლელო დადეს. პირველი ლელო ლევანმა დალო, შემდეგ კი მირზა შანიძემ და შოთა ცეცხლაძემ.

ყველა რეალიზაცია ლევან ხუროშვილმა უნაკლოდ შეასრულა, ვარიანტები კარგად დაარტყა და საბოლოოდ „არწივებს“ ხუროშვილმა 26 ქულა შესძინა.

ოზურგეთის „არწივებს“ 4 ტურის შემდეგ 3 მოგება აქვს.

მონიკა ახვლედიანი და თამუნა ლუსუნაშვილი ფესტივალ „იპერია ბრილიანტის“ ფინალისტები არიან



საქველმოქმედი ასოციაცია „გურიას“ ბენეფიციარები მონიკა ახვლედიანი და თამუნა ლუსუნაშვილი შპმ პირთა სიმღერის, ცეკვის და ხელოვნების საერთაშორისო ფესტივალ „იპერია-ბრილიანტის“ ფინალისტები არიან.

„იპერია ბრილიანტის“ 24-ი ფინალისტი ვაჟს, ფესტივალში, შვიდი ქვეყნის 33 მონაწილე იღებდა მონაწილეობას, საქველმოქმედო ასოციაცია „გურიას“ ბენეფიციარები სხვა ფინალისტებთან ერთად ეცდებიან გამარჯვებას მიიპოვონ. ფესტივალის ფინალური გალა კონცერტი საქართველოში, თბილისში, 2020 წლის 3 დეკემბერს ჩატარდება.

ფესტივალის დამფუძნებლის ნუგზარ ჭიაბერაშვილის განცხადებით: ქართველი მონაწილეები სცენაზე ცოცხალი შესრულებით იმდურებენ, ხოლო უცხოელთა სიმღერას მსმენელი ისევ ვიდეო ჩანაწერით მოისმენს.

„თუ კორონა ვირუსის ბლოკირება მოხდება და საზღვრები გაიხსნება, უცხოელ სტუმრებსაც ვუმასპინძლებთ. მაღალი შეზღვევის გამო, შესაძლოა, მხოლოდ ონლაინ დაჯილდოება მოხდეს და შემდეგ, როდესაც აღნიშნული შეზღვევები მოიხსნება, მონაწილეები სივლეს პირადად მიიღებენ. ფესტივალი ლაივით წარმართება, სოციალური“

ქსელის – ფეისბუქს საშუალებით, შესაბამისად, ყველა მონაწილე ქვეყანას ექნება საშუალება უყუროს დაჯილდოებას და გაიზიაროს გამარჯვებულთა ემოციები.“

ყოურის შემადგენლობა ძალზედ საინტერესოა და მრავალი სფეროს ადამიანს მოიცავს, მათ შორის, რა თქმა უნდა, ხელოვნები სჭარბობენ: დეკანოზი გურამ ჭარულაშვილი, ცოური მჭედლიძე, ლევა სხირტლაძე, ირაკლი ტაბალა, გიორგი წერეთელი, თურეკ ტურეკი, ლევა ტერბეი, დიმიტრი შვეცი, ქეთი ლინჩიკი, არმენ ალავერდიანი, ად-ოღალ თოფალი და ფესტივალის დამფუძნებელი ნუგზარ ჭიაბერაშვილი.

მონაწილეებმა 2020 წლის 13 ნოემბრამდე ორი ვიდეო ჩანაწერი უნდა წარადგინონ. ეს შეიძლება იყოს აკაპელა, ლუკტი, მშობლიური ან უცხოური სიმღერა. არჩევანი თავისუფალია! ქართველ მონაწილე-თავან პირველი სამსამი ადგილი (პირველი, მეორე, და ორი მესამე, სულ რვა ადგილისანი) და ყოურის ფავორიტები, 2021 წელს გაემგზავრებიან „იპერია – ბრილიანტის“ მსგავს ფესტივალზე უკრაინაში, პოლონეთში და რუმინეთში. უცხოელი გამარჯვებულები კი 2021 წლის საქართველოს ზამთრის საკურორტო ქალაქში დასვენებენ...“

სოფელ მთისპირში გგელმა პირუტყვი დაგლიჯა

ალიონი. როგორც სოფელ მთისპირიდან გახეთ „ალიონს“ აცნობეს, 13 ნოემბერს მეგლის სოფლის დასახლებულ ტერიტორიაზე მთისპირელი ნ. ნ-ს ხბომოსაყვანი ძროხა დაგლიჯა.

მთისპირში ეს პირველი შემთხვევა არ არის. დათვი და მეგლი მნიშვნელოვან ზიანს აყენებენ აქაურებს. ვანისქედის, უკანავას უბანში ფაქტიურად აღარ ჰყავთ წვრილფეხა პირუტყვი: თხა, ცხვარი, ღორი. მოსახლეობა მსხვილფეხა რქოსან პირუტყვს მხოლოდ მწყემსების თანხლებით უშვებს საძოვარზე. იყო ადამიანებზე თავდა-“

სხმის შემთხვევებიც. წლების წინ დათვი უკანავაში თავს დაესხა გ.მ., რომელსაც ოზურგეთის საავადმყოფოში რთული ოპერაციის გაკეთება მოუწია.

შედარებით იოლად გადაურჩა დათვის თავდასხმას უკანაველი ვ.შ. ამ შემთხვევაში მისი ტრავმა შედარებით მსუბუქი იყო.

მგლები სოფელ მთისპირის ცენტრშიც, მოსახლეობასთან ახლოს მოდიან. თუმცა აქაურები, შესაბამისი ზომების მიღებას ვერ ახერხებენ, რადგან მათ ცხოველის მოკვლის შემთხვევაში სასჯელის ემინიათ.

მზე, ღრუბაილი +9+18 16 ნოემბერი ორშაბათი	მზე, ღრუბაილი +11+20 17 ნოემბერი სამშაბათი	მზე, ღრუბაილი, +11+23 18 ნოემბერი ოთხშაბათი	მზე, ღრუბაილი +5+14 19 ნოემბერი ხუთშაბათი	წვიმა, +8+19 20 ნოემბერი პარასკევი	წვიმა, +7+20 21 ნოემბერი შაბათი	წვიმა, +8+21 22 ნოემბერი კვირა
---	---	--	--	---------------------------------------	------------------------------------	-----------------------------------

7 დღის ამინდის პროგნოზი